

Muhyiddin Rentas Beberapa Daerah Di Selangor Dalam Program Turun Padang Esok
Bernama
October 21, 2011

KUALA LUMPUR, 21 Okt (Bernama) -- Timbalan Perdana Menteri Tan Sri Muhyiddin Yassin akan merentasi beberapa daerah di Selangor esok untuk bertemu rakyat dalam program turun padangnya.

Berdasarkan aturcara program beliau yang dihantar kepada Bernama di sini, Muhyiddin memulakan harinya di Selangor dengan Sarapan Pagi 1Malaysia bersama rakyat dan menyampaikan sumbangan Deepavali di Sekolah Jenis Kebangsaan Cina (SJKC) Dengkil.

Beliau kemudian ke Institut Latihan Perindustrian Kuala Langat untuk bertemu warga guru agama dari Sekolah Agama Bantuan Kerajaan (SABK), Sekolah Agama Rakyat (SAR) dan Tahfiz.

Pada tengah hari, Muhyiddin akan menghadiri Majlis Penerangan Perdana Barisan Nasional Selangor di Dewan Besar Universiti Putra Malaysia, Serdang.

Beliau seterusnya akan ke Kajang untuk menghadiri Perjumpaan 1Malaysia anjuran MCA dan penyampaian bantuan Deepavali di SJKC Sungai Chua.

Pada sebelah petang, Muhyiddin dijadual menziarahi rumah Ketua Masyarakat dan Veteran Umno di Kampung Pasir Puchong, sebelum mengakhiri lawatan di Selngor dengan Perjumpaan 1Malaysia dan penyampaian bantuan Deepavali di SJK Tamil Batu 14, Puchong.

---BERNAMA

Hakcipta© 2011 BERNAMA

Source: <http://www.bernama.com/bernama/v5/bm/newsgeneral.php?id=621515>